

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Broj: 02-02-7-1640/17
Sarajevo, 21.9.2017. godine

Z A P I S N I K

13. VANREDNE SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 21.9.2017. godine

Sjednica je počela u 12:02 sati nakon završetka 21. redovne sjednice.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Izostanak sa sjednice opravdao je Zdravko Bešlić.

Na osnovu evidencije Stručne službe, predsjedavajuća je konstatirala da sjednici prisustvuje 47 delegata, što čini većinu pa Dom naroda može raditi i punovažno odlučivati.

Nije bilo prijedloga za izmjenu i dopunu predloženog dnevnog reda.

Predsjedavajuća je podsjetila delegate da je Vlada Federacije dostavila Prijedlog zakona o izmjenama Krivičnog zakona Federacije Bosne i Hercegovine s prijedlogom da se razmatra po hitnom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 41 glasom za, jednim glasom protiv i četiri uzdržana glasa, prihvatio da se Prijedlog zakona o izmjenama Krivičnog zakona Federacije Bosne i Hercegovine razmatra po hitnom postupku.

Vlada Federacije dostavila je sljedeće prijedloge zakona s prijedlogom da se razmatraju po skraćenom postupku:

- Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno- oslobodilačkog rata,

- Prijedlog zakona o izmjenama i dopunama Zakona o pravima branilaca i članova njihovih porodica i
- Prijedlog zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 31 glasom za, sedam glasova protiv i osam uzdržanih glasova, prihvatio da se Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 32 glasa za, osam glasova protiv i šest uzdržanih glasova, prihvatio da se Prijedlog zakona o izmjenama i dopunama Zakona o pravima branilaca i članova njihovih porodica razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 36 glasova za i sedam uzdržanih glasova, prihvatio da se Prijedlog zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica razmatra po skraćenom postupku.

Potom je predsjedavajuća konstatirala da je Dom naroda, sa 37 glasova za, jednim glasom protiv i šest uzdržanih glasova, usvojio sljedeći

DNEVNI RED

1. Prijedlog za rješenje spornih pitanja u Prijedlogu Zakona o Agenciji za bankarstvo Federacije Bosne i Hercegovine,
2. Prijedlog zakona o izmjenama Krivičnog zakona Federacije Bosne i Hercegovine-hitni postupak,
3. Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata-skraćeni postupak,
4. Prijedlog zakona o izmjenama i dopunama Zakona o pravima branilaca i članova njihovih porodica-skraćeni postupak,
5. Prijedlog zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica-skraćeni postupak.
6. Prijedlog zakona o izmjenama i dopunama Zakona o unutrašnjoj trgovini,
7. Prijedlog Programa rada Doma naroda Parlamenta Federacije Bosne i Hercegovine za 2017. godinu,

8. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Vodovod Visoko,
9. Prijedlog odluke o prihvatanju zaduženja po Sporazumu o zajmu između Bosne i Hercegovine i Svjetske banke-Međunarodne banke za obnovu i razvoj (IBRD) za Projekt jačanja bankarskog sektora,
10. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju TE „Banovići“, blok 1-350 MW investitora RMU „Banovići“ d.d. Banovići, Prijedlog zaključka o davanju prethodne saglasnosti u postupku izdavanja Energetske dozvole investitoru RMU „Banovići“ d.d. Banovići,
11. Izbor i imenovanja:
 - Prijedlog odluke o osnivanju i imenovanju Vijeća nacionalnih manjina Federacije Bosne i Hercegovine.

1. Prijedlog za rješenje spornih pitanja u Prijedlogu Zakona o Agenciji za bankarstvo Federacije Bosne i Hercegovine

Zajednička komisija za usaglašavanje različito usvojenih tekstova akata u oba doma Parlamenta Federacije Bosne i Hercegovine utvrdila je Prijedlog za rješenje spornih pitanja u Prijedlogu zakona o Agenciji za bankarstvo Federacije Bosne i Hercegovine.

Predstavnički dom Parlamenta Federacije BiH je u nastavku 21. sjednice održane 17. maja 2017. godine prihvatio Prijedlog Zajedničke komisije za usaglašavanje različito usvojenih tekstova zakona u domovima Parlamenta Federacije BiH za rješenje spornih pitanja, odnosno da je usvojio Prijedlog zakona o Agenciji za bankarstvo Federacije BiH u tekstu kako je usvojen u Domu naroda Parlamenta Federacije BiH.

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 39 glasova za i dva uzdržana glasa, usvojio Prijedlog za rješenje spornih pitanja u Prijedlogu zakona o Agenciji za bankarstvo Federacije Bosne i Hercegovine, čime je Zakon o Agenciji za bankarstvo Federacije Bosne i Hercegovine usvojen u istovjetnom tekstu u oba doma Parlamenta Federacije Bosne i Hercegovine i bit će objavljen u „Službenim novinama Federacije BiH“

2. Prijedlog zakona o izmjenama Krivičnog zakona Federacije Bosne i Hercegovine-hitni postupak

Prijedlog zakona utvrdila je Vlada Federacije.

Predstavnički dom Parlamenta Federacije je na 22. sjednici održanoj 14. 6.2017. godine usvojio Prijedlog zakona o izmjenama Krivičnog zakona Federacije Bosne i Hercegovine u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 39 glasova za i četiri uzdržana glasa, usvojio Prijedlog zakona o izmjenama Krivičnog zakona Federacije Bosne i Hercegovine.

3. Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata-skraćeni postupak

Prijedlog zakona utvrdila je Vlada Federacije.

Predstavnički dom je na 23. sjednici od 25.7.2017. godine, usvojio Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata sa tehničkim ispravkama koje je dao federalni ministar za pitanja boraca i invalida odbrambeno-oslobodilačkog rata. Ispravke se odnose na član 2. stav 3. Prijedloga zakona.

Prijedlog zakona razmatrala su nadležna radna tijela i dostavila svoje izvještaje

Na Prijedlog zakona amandmane su zajednički podnijeli Osman Ćatić i Tomislav Martinović (Amandman se odnosi na čl. 1., 2. i 3. Prijedloga zakona) i Draženka Subašić, koja je povukla Amandman.

U ime Odbora za boračka i invalidska pitanja, rad, zdravstvenu i socijalnu zaštitu, predsjednik Odbora Ivo Tadić je izjavio da Odbor podržava donošenje seta ovih boračkih zakona pod tač. 3., 4. i 5. dnevnog reda današnje sjednice.

Prijedlog zakona je obrazložio Salko Bukvarević, federalni ministar za pitanja boraca i invalida odbrambeno-oslobodilačkog rata.

U raspravi su učestvovali: Predrag Kojović, Slaviša Šućur, Tomislav Martinović, Jasenko Tufekčić, Osman Ćatić, Ivo Tadić, Aner Žuljević, Admir Hadžipašić, Draženka Subašić, federalni ministar, Salko Bukvarević i Muhamed Kozadra.

Vlada Federacije je dostavila izjašnjenje kojim djelimično prihvata Amandman Osmana Ćatića i Tomislava Martinovića i podnijela svoj Amandman

Amandman koji je Vlada Federacije prihvatila glasi:

U Prijedlogu zakona čl. 1., 2. i 3. se mijenjaju i glase:

„Član 1.

- 1) U Zakonu o prijevremenom povoljnijem penzionisanju branilaca odbrambeno-oslobodilačkog rata („Službene novine Federacije BiH“, broj 41/13, u daljnjem tekstu: Zakon), u članu 3. u stavu (1) iza riječi „penziju“, riječi „i nastavlja im se isplata penzije do isteka roka iz člana 11. ovog zakona“, zamjenjuju se riječima: „ostvarenu ili potvrđene po odredbama tog zakona, ukoliko je to za njih povoljnije“.
- 2) U članu 3. Zakona dodaje se novi stav (3) koji glasi:

„(3) Korisnicima prava iz člana 4. tačka 5. Zakona ponovno će se izvršiti preračun penzija na osnovu mjesečnog prosjeka nevaloriziranih plaća ostvarenih u posljednjih 5 godina prije ostvarivanja prava na penziju. Visina penzije odrediti će se u postotku od penzijskog osnova prema dužini penzijskog staža i iznosi za 20 godina 55% od penzijskog osnova, a za svaku narednu navršenu godinu uvećava se za 2%, s tim da ne može iznositi više od 75% od penzijskog osnova.“

Član 2.

U članu 10. Zakona dodaje se novi stav (2)) koji glasi:

„(2) Iznimno korisnici prava iz člana 1. stav (1) ovog Zakona zadržavaju dostignutu visinu penzije u isplati koja im je bila utvrđena prije stupanja na snagu Zakona o prijevremenom povoljnijem penzionisanju branilaca odbrambeno-oslobodilačkog rata.“

Član 3.

U članu 11. Zakona iza stava (4) dodaju se novi st. (5) i (6) koji glase:

„(5) Ponovna uspostava visine penzije iz člana 2. ovog Zakona vršit će se po zahtjevu korisnika prava u skladu sa odredbama Zakona o upravnom postupku.“

(6) Pravo i isplata utvrđene visine penzije iz člana 2. ovog Zakona pripada najranije od dana stupanja na snagu ovog Zakona.“

Amandman Vlade Federacije glasi:

U članu 2. Prijedloga zakona, stav (3) mijenja se i glasi:

“(3) Isplata penzija korisnicima prava iz stava (2) ovog člana i člana 1. stav (2) ovog Zakona uspostaviti će se kroz prijelazni period od tri godine, na sljedeći način:

- a) Od 01.01.2018.godine penzija će se isplaćivati po isplatnom koeficijentu 1,161;
- b) Od 01.01.2019.godine penzija će se isplaćivati po isplatnom koeficijentu 1,32;
- c) Od 01.01.2020.godine penzija će se isplaćivati po isplatnom koeficijentu 1,485.“.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za, pet glasova protiv i pet uzdržanih glasova, usvojio Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata, sa Amandmanom Osmana Ćatića i Tomislava Martinovića i Amandmanom Vlade Federacije.

Budući da je Prijedlog zakona o izmjenama i dopunama Zakona o prijevremenom povoljnijem penzionisanju branilaca odbrambeno-oslobodilačkog rata usvojen u različitom tekstu u oba doma Parlamenta Federacije Bosne i Hercegovine, potrebno je da se Predstavnički dom izjasni o Amandmanu Vlade Federacije Bosne i Hercegovine i Amandmanu kojeg je Vlada Federacije prihvatila na sjednici Doma naroda

4. Prijedlog zakona o izmjenama i dopunama Zakona o pravima branilaca i članova njihovih porodica-skraćeni postupak

Prijedlog zakona utvrdila je Vlada Federacije.

Predstavnički dom je na 23. sjednici od 25.7. 2017. godine usvojio Prijedlog zakona o izmjenama i dopunama Zakona o pravima branilaca i članova njihovih porodica sa tri amandmana koja je Vlada Federacije prihvatila na sjednici Predstavničkog doma pa su postali sastavni dio Prijedloga zakona.

Amandmani glase:

Amandman I.

U članu 8. Prijedloga zakona o izmjenama i dopunama Zakona o pravima branilaca i članova njihovih porodica, stav (2) mijenja se i glasi:

„Revizorski tim za koordinaciju će izvršiti kontrolu svih uvjerenja na osnovu kojih su ostvarena prava za osobe ili članove porodica osoba iz stava 1. tač. 3. i 4. člana 36.“.

Amandman II.

U članu 12. Prijedloga zakona o izmjenama i dopunama Zakona o pravima branitelja i članova njihovih porodica koji se odnosi na član 55.a Zakona, u stavu 2. iza riječi "populacije" ostatak teksta se briše.

Amandman III.

U članu 12. Prijedloga zakona o izmjenama i dopunama Zakona o pravima branilaca i članova njihovih porodica koji se odnosi na član 55.b u stavu (3) riječi: „objavu podataka iz jedinstvenog registra“ se brišu i na kraju teksta dodaju se riječi: „koji će biti dostupan svim nivoima vlasti u Federaciji Bosne i Hercegovine.“.

Na Prijedlog zakona dva amandmana su zajednički podnijeli delegati Mirvet Beganović i Rasim Kantarević, a Aner Žuljević je podnio jedan Amandman.

Vlada Federacije je dostavila Izjašnjenje kojim ne prihvata amandmane Mirveta Beganovića i Rasima Kantarevića i Anera Žuljevića.

Prijedlog zakona je obrazložio Salko Bukvarević, federalni ministar za pitanja boraca i invalida odbrambeno-oslobodilačkog rata.

Prijedlog zakona razmatrala su nadležna radna tijela i dostavila svoje izvještaje.

U raspravi su učestvovali: Rasim Kantarević, Mirvet Beganović, Lejla Didik Sarajlić (koja je predložila Zaključak), Admir Hadžipašić, Slaviša Šućur, Aner Žuljević, Željko Mirković, federalni ministar, Salko Bukvarević, i Ivo Tadić (koji je predložio Zaključak).

Budući da podnosioci amandmana nisu odustali od amandmana, predsjedavajuća ih je stavila na glasanje i konstatirala da:

- Dom naroda Parlamenta Federacije Bosne i Hercegovine nije usvojio Amandman kojeg su zajednički podnijeli delegati Mirvet Beganović i Rasim Kantarević, jer je za glasalo 25 delegata, devet delegata je bilo uzdržano, a šest delegata je bilo protiv. Budući da je izražena sumnja u rezultate glasanja, obavljeno je poimenično glasanje, koje je obavio sekretar Doma naroda Izmir Hadživdić. Na osnovu rezultata poimeničnog glasanja, predsjedavajuća je konstatirala da Dom naroda Parlamenta Federacije nije usvojio Amandman kojeg su zajednički podnijeli delegati Mirvet Beganović i Rasim Kantarević, jer je za glasalo 25 delegata, 17 delegata je bilo uzdržano, a četiri delegata su bila protiv;
- Dom naroda Parlamenta Federacije Bosne i Hercegovine nije usvojio Amandman delegata Anera Žuljevića, jer je za glasao 21 delegat, 15 delegata je bilo uzdržano, a devet delegata je bilo protiv. Budući da je izražena sumnja u rezultate glasanja, obavljeno je poimenično glasanje, koje je obavio sekretar Doma naroda Izmir Hadživdić. Na osnovu rezultata poimeničnog glasanja, predsjedavajuća je konstatirala da Dom naroda Parlamenta Federacije nije

usvojio Amandman kojeg je podnio Aner Žuljević jer je za glasao 21 delegat, 22 delegata su bila uzdržana, a tri delegata su bila protiv.

Nakon toga se glasalo o Prijedlogu zakona.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 31 glasom za, sedam glasova protiv i šest uzdržanih glasova, usvojio Prijedlog zakona o izmjenama i dopunama Zakona o pravima branilaca i članova njihovih porodica.

Potom se glasalo o prijedlogu zaključaka koje su predložili Lejla Didik Sarajlić i, u ime Kluba delegata hrvatskog naroda, Ivo Tadić.

Nakon glasanja predsjedavajuća je konstatirala da:

- Dom naroda Parlamenta Federacije Bosne i Hercegovine nije usvojio Zaključak kojeg je predložila Lejla Didik Sarajlić, jer je za glasalo 16 delegata, devet delegata je bilo uzdržano, a tri delegata su bila protiv;
- Dom naroda Parlamenta Federacije Bosne i Hercegovine nije usvojio Zaključak kojeg je predložio Ivo Tadić, u ime Kluba delegata hrvatskog naroda, jer je za glasalo 26 delegata i 13 delegata je bilo uzdržano. Budući da je izražena sumnja u rezultate glasanja, obavljeno je poimenično glasanje koje je obavio sekretar Doma naroda, Izmir Hadžiavdić. Na osnovu rezultata poimeničnog glasanja, predsjedavajuća je konstatirala da Dom naroda Parlamenta Federacije nije usvojio Zaključak, jer je za glasalo 27 delegata, 19 delegata je bilo uzdržano, a jedan delegat je bio protiv.

5. Prijedlog zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica-skraćeni postupak

Prijedlog zakona utvrdila je Vlada Federacije.

Predstavnički dom je na 23. sjednici od 25.7. 2017. godine usvojio Prijedlog zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložio Salko Bukvarević, federalni ministar za pitanja boraca i invalida odbrambeno-oslobodilačkog rata.

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 44 glasa za i jednim uzdržanim glasom, usvojio Prijedlog

zakona o izmjeni Zakona o posebnim pravima dobitnika ratnih priznanja i odlikovanja i članova njihovih porodica.

6. Prijedlog zakona o izmjenama i dopunama Zakona o unutrašnjoj trgovini

Prijedlog zakona utvrdila je Vlada Federacije.

Predstavnički dom Parlamenta Federacije je na 22. sjednici održanoj 14. 6.2017. godine usvojio Prijedlog zakona o izmjenama i dopunama Zakona o unutaranoj trgovini u tekstu kako ga je predložila Vlada Federacije.

Na Prijedlog zakona dva amandmana podnio je delegat Edin Forto. Amandmani se se odnose na član 1. stav 2. i član 25. Vlada Federacije je dostavila izvještaj kojim ne prihvata amandmane.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložio federalni ministar trgovine Zlatan Vujanović.

U raspravi nije niko učestvovao.

Budući da je Edin Forto odustao od amandmana, prešlo se na glasanje o Prijedlogu zakona.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 40 glasova za i pet uzdržanih glasova, usvojio Prijedlog zakona o izmjenama i dopunama Zakona o unutrašnjoj trgovini.

7. Prijedlog Programa rada Doma naroda Parlamenta Federacije Bosne i Hercegovine za 2017. godinu

Prijedlog Programa rada utvrdio je Kolegij Doma naroda.

Prijedlog Programa rada razmatrala su nadležna radna tijela i dostavila svoje izvještaje.

Prijedlog Programa rada je obrazložila Lidija Bradara, predsjedavajuća Kolegija.

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 30 glasova za, devet glasova protiv i pet uzdržanih glasova, usvojio Prijedlog programa rada Doma naroda Parlamenta Federacije Bosne i Hercegovine za 2017. godinu.

8. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Vodovod Visoko

Prijedlog odluke utvrdila je Vlada Federacije i dostavila je, sa popratnim materijalima, Parlamentu Federacije radi razmatranja i donošenja.

Prijedlog odluke razmatrala su nadležna radna tijela i dostavila svoje izvještaje.

U raspravi je učestvovala Lejla Imamović.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 36 glasova za i četiri uzdržana glasa, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta Vodovod Visoko.

9. Prijedlog odluke o prihvatanju zaduženja po Sporazumu o zajmu između Bosne i Hercegovine i Svjetske banke-Međunarodne banke za obnovu i razvoj (IBRD) za Projekt jačanja bankarskog sektora

Prijedlog odluke utvrdila je Vlada Federacije i dostavila je, sa popratnim materijalima, Parlamentu Federacije radi razmatranja i donošenja.

Prijedlog odluke razmatrala su nadležna radna tijela, koja su dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 32 glasa za i šest uzdržanih glasova, donio Odluku o prihvatanju zaduženja po Sporazumu o zajmu između Bosne i Hercegovine i Svjetske banke-Međunarodne banke za obnovu i razvoj (IBRD) za Projekt jačanja bankarskog sektora.

10. Informacija Federalnog ministarstva energije, rudarstva i industrije o aktivnostima u postupku izdavanja Energetske dozvole za izgradnju TE „Banovići“, blok 1-350 MW investitora RMU „Banovići“ d.d. Banovići, Prijedlog zaključka o davanju prethodne saglasnosti u postupku izdavanja Energetske dozvole investitoru RMU „Banovići“ d.d. Banovići

Ovu Informaciju dostavila je Vlada Federacije Parlamentu Federacije radi razmatranja.

Uz Informaciju je dostavljen i Prijedlog zaključka o davanju prethodne saglasnosti.

Predstavnički dom Parlamenta Federacije je na 20. sjednici održanoj 25. 7.2017. godine razmatrao Informaciju i usvojio Zaključak o davanju prethodne saglasnosti u postupku izdavanja Energetske dozvole investitoru RMU „Banovići“ d.d. Banovići. Tom prilikom, Predstavnički dom je usvojio još jedan Zaključak.

Informaciju su razmatrala nadležna radna tijela i dostavila svoje izvještaje.

Informaciju je obrazložio sekretar Federalnog ministarstva energije, rudarstva i industrije, Stipo Buljan.

U raspravi je učestvovao Rasim Dostović.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za i šest uzdržanih glasova, usvojio sljedeći

ZAKLJUČAK

1. Daje se prethodna saglasnost Federalnom ministarstvu energije, rudarstva i industrije u postupku izdavanja Energetske dozvole investitoru RMU „Banovići“ d.d. Banovići, za izgradnju TE „Banovići“, instalirane nazivne snage 350 MW (1x350 MW), odobrene snage priključenja 350 MW (1x350 MW), planirane godišnje proizvodnje električne energije od 2.252,3 GWh, koja se planira graditi u granicama postojećeg eksploatacionog polja rudnika RMU „Banovići“ d.d. Banovići.
2. Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“, broj 27/14), na izdavanju Energetske dozvole iz tačke 1. ovog zaključka.
3. Ovaj zaključak stupa na snagu narednog dana od dana objave u „Službenim novinama Federacije BiH“.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za i šest uzdržanih glasova, usvojio sljedeći

ZAKLJUČAK

1. Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine, Federalno ministarstvo energije, rudarstva i

industrije i RMU „Banovići“, d.d. Banovići da, u ime Federacije Bosne i Hercegovine, nastave aktivnosti na izgradnji TE „Banovići“, Blok 1-350 MW.

2. Ovlašćuje se Vlada Federacije Bosne i Hercegovine, Federalno ministarstvo energije, rudarstva i industrije i RMU „Banovići“, d.d. Banovići da, u ime Federacije Bosne i Hercegovine, okončaju sve aktivnosti na zaključivanju potrebnih ugovora i akata u vezi sa aktivnostima iz tačke 1. ovog zaključka, te o tome informiraju Parlament Federacije Bosne i Hercegovine.
3. Parlament Federacije Bosne i Hercegovine obavezuje Vladu Federacije Bosne i Hercegovine, Federalno ministarstvo energije, rudarstva i industrije i RMU „Banovići“, d.d. Banovići da o svim fazama izgradnje informiraju Parlament Federacije Bosne i Hercegovine.
4. Ovaj zaključak stupa na snagu narednog dana od dana objave u „Službenim novinama Federacije BiH“.

11. Izbor i imenovanja

- Prijedlog odluke o osnivanju i imenovanju Vijeća nacionalnih manjina Federacije Bosne i Hercegovine

Komisija za izbor i imenovanja Doma naroda razmatrala je Prijedlog odluke o osnivanju i imenovanju Vijeća nacionalnih manjina Federacije Bosne i Hercegovine.

Predstavnički dom Parlamenta Federacije je u nastavku 16. sjednice održane 25.1. 2017. godine donio Odluku o osnivanju i imenovanju članova Vijeća nacionalnih manjina Federacije Bosne i Hercegovine kojom su za članove imenovani:

- | | |
|----------------------------------|---------------------------------|
| 1. Dr.Elijaš Tauber – Židov | 12. Vladimir Lukačević – Čeh |
| 2. Mišo Čirko – Rusin | 13. Samo Čolak – Slovenac |
| 3. Bajro Beganović – Rom | 14. Bruno Palestra – Talijan |
| 4. Jusić Nedžad – Rom | 15. Muratović Irma – Mađarica |
| 5. Suljić Mehmed – Rom | 16. Čengić Irmina – Poljakinja |
| 6. Mujić Mehmed – Rom | 17. Emil Bakoš – Slovak |
| 7. Mujo Fafulić – Rom | 18. Redžić Hidajeta - Crnogorka |
| 8. Suljić Alaga – Rom | 19. Velibor Kuvač – Nijemac |
| 9. Varan Suada – Turkinja | 20. Mujić Šaban – Rom |
| 10. Violeta Džolan – Rumunjka | 21. Davor Ebner – Austrijanac. |
| 11. Džemina Zejnullahu – Albanka | |

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 42 glasa za donio Odluku o osnivanju i imenovanju članova Vijeća nacionalnih manjina Federacije Bosne i Hercegovine kojom su za članove imenovani:

- | | |
|----------------------------------|---------------------------------|
| 1. Dr.Elijas Tauber – Židov | 12. Vladimir Lukačević – Čeh |
| 2. Mišo Čirko – Rusin | 13. Samo Čolak – Slovenac |
| 3. Bajro Beganović – Rom | 14. Bruno Palestra – Talijan |
| 4. Jusić Nedžad – Rom | 15. Muratović Irma – Mađarica |
| 5. Suljić Mehmed – Rom | 16. Čengić Irmina – Poljakinja |
| 6. Mujić Mehmed – Rom | 17. Emil Bakoš – Slovak |
| 7. Mujo Fafulić – Rom | 18. Redžić Hidajeta - Crnogorka |
| 8. Suljić Alaga – Rom | 19. Velibor Kuvač – Nijemac |
| 9. Varan Suada – Turkinja | 20. Mujić Šaban – Rom |
| 10. Violeta Džolan – Rumunjka | 21. Davor Ebner – Austrijanac. |
| 11. Džemina Zejnullahu – Albanka | |

Sjednica je završena u 15:30.

* * *

Transkript sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆA

Lidija Bradara